

11.

Eur vech dilezet Doue
Gant an dud dirollet,
N'euz justiz, na liberte
Na guir anavezet ;
Eur valken du ha tenval
A zall ar sperejou ;
Digabest an techou fall
Gant ho goall ioulou.

12.

C'hoant a vije da vouga
Ar Feiz en hor c'halon :
Petra deufemp da veza
Heb ar religion :
An ourgouil, ar gassoni,
Hag al lubrisite,
Mesket gant laeroni
E peb leac'h a renn-fe.

13.

Intron Varia Berven,
O pet truez ouzomp !
Kendalc'hit ar sklerijen,
Ar Feiz a reketomp ;
Bepred treac'h d'ar geier,
Harpit Iliz ar Frans,
Ennhoc'h hag en hor Zalver
E ma hon esperans.

IMPRIMATUR:

A. GADON,
Vicaire Général.

Corisopiti, die 26 Julii 1907.

8N1-3-034

CANTIC

Pelerinet Intron Varia Berven

TON : Cantic Breuriez ar Feiz.

DISKAN

Intron Varia Berven
Guechall ken erbedet,
E kreiz an denvalijen
En hon amzer fuillet,
Ni a zired d'ho chapel,
Evel hon tudou koz ;
Eno, e kavimp skoazel,
Sklerijen ha bennos.



1.

Tour Berven var an huel
A veler a bell bro,
En despet da beb avel
Divrall e chom atao ;
Plijadur ha levenez
A ra d'hor c'halonou
Delc'her sonj euz madelez
Rouanez an Envou.

2.

Ar vein ker brao kizellet,
An tour gant he volziou,
Ar c'hoat dispar labouret
En dro d'an Aoteriou
A lavar da beb hini
Ar grassou talvoudec,
Skullet puill gant dourn Mari
Var hon tud calouneç.

3.

N'euz ket e Breiz eur c'harter
 'Ve stankoc'h chapeliou
 Savet da Vam hor Zalver
 Eget en hor meziou ;
 Kreisker eo ar vrudeta,
 Lambader, Kerelon,
 Prat-Coulm, Berven ar gossa
 Euz bro gorre Leon.

4.

Ar park a zo e kichen
 Ar vered tro var dro
 'Zo hanvet park an derven,
 Setu ar guir hano.
 Eur vezen zero kleuzet
 A lojas da genta
 Skeuden ar Vam benniget
 En amzeriou pella.

5.

Euz eur c'hanved d'egile
 E ye var gresk ar brud,
 D'ar Japel e tirede
 Eun ni ver braz a dud ;
 Lod 'vit goulenn ar pare,
 Lod all, an nerz calon ;
 Oll laouen a ziztroe
 Gant iec'hed pe bardon.

6.

Mam Doue ne skuiz morse,
 Da heul Jezuz he Mab,
 O skuill var he bugale
 Grassou euz an dibab ;
 Ni 'zo bugale Mari,
 Evel hon tadou koz,
 Kristenien caret ganthi,
 Galvet d'ar Baradoz.

7.

Iliz Berven ker brudet
 A zo bet a vizkoaz
 Chapel Mari glac'haret,
 En he zav 'tal ar groaz ;
 Glac'har ar Vam druezuz
 A zo eur rann galon ;
 Assanti 'ra gant Jezuz
 Da c'hounid ar Pardon.

8.

Ar Mab, ar Vam unanet
 Er memez sacrific
 Gant Doue 'zo silaouet ;
 Torret nerz he justiz ;
 Tazet deiz an drugarez,
 Deiz ar vuez gristen :
 Bennoz eta d'ar Verc'hez,
 'Vel d'ar verelaouen.

9.

Lakeat er bed Mab Doue
 En eur c'hraou dirapar,
 Kemer 'ra da vugale
 Ni oll var ar C'halvar ;
 Mari 'zo 'ta Mam Doue,
 Hag hor Mam benniget,
 Eur Vam n'abandon morse
 He bugel goall doaniet.

10.

Hirio eo kriz ar brezel
 A rer d'ar gristenien ;
 Kaseat an Iliz zantel,
 Ar Pab, an Eskibien ;
 Lammet imaj hor Zalver
 Euz an hospitaliou ;
 Ar skoliou 'zo dibater,
 Dizoue al lezennou.